



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/07-11-9928-6/20
Sarajevo, 21.10.2020. godine

Na osnovu člana 70. Zakona o organizaciji organa uprave u Federaciji Bosne i Hercegovine («Službene novine Federacije Bosne i Hercegovine», broj: 35/05), člana 17. Zakona o javnim nabavkama („Službeni glasnik Bosne i Hercegovine, broj: 39/14), ministar za obrazovanje, nauku i mlade donosi

ODLUKU
o izmjenama Plana nabavki Ministarstva za obrazovanje, nauku i mlade Kantona Sarajevo za 2020. godinu

Član 1.

Ovom Odlukom ministar za obrazovanje, nauku i mlade Kantona Sarajevo (u daljem tekstu: ministar) utvrđuje izmjene Plana nabavki Ministarstva za obrazovanje, nauku i mlade Kantona Sarajevo za 2020. godinu, kao u prilogu.

Član 2.

Odlukom o utvrđivanju Plana nabavki Ministarstva za obrazovanje, nauku i mlade Kantona Sarajevo za 2020. godinu, broj: 11/07-11-9928/20 od 15.04.2020. godine, kao i izmjenama Plana nabavki Ministarstva za obrazovanje, nauku i mlade Kantona Sarajevo za 2020. godinu, br.: 11/07-11-9928-2/20 od 19.05.2020. godine i 11/07-11-9928-4/20 od 30.07.2020. godine, ministar je utvrdio Plan nabavki Ministarstva za obrazovanje, nauku i mlade Kantona Sarajevo za 2020. godinu.

Član 3.

U skladu sa članom 17. Zakona o javnim nabavkama, Plan nabavki Ministarstva za obrazovanje, nauku i mlade Kantona Sarajevo za 2020. godinu sa izmjenama iz člana 1. ove Odluke biće objavljen na web-stranici Ministarstva www.mon.ks.gov.ba.

Član 4.

Plan nabavki Ministarstva za obrazovanje, nauku i mlade Kantona Sarajevo za 2020. godinu sa izmjenama je sastavni dio ove Odluke.

Član 5.

Ova Odluka stupa na snagu danom donošenja.



Obrazloženje

Planom javnih nabavki za 2020. godinu, broj: 11/07-11-9928/20 od 15.04.2020. godine, bila je planirana nabavka robe *Nabavka opreme za realizaciju projekta „Elektronski dnevnik“ u srednjim školama*. Dana 08.05.2020. godine zbog proglašenja stanje nesreće uzrokovano pojavom corona virusa, usvojen je rebalans Budžeta Kantona Sarajevo te je došlo do izmjena u Planu javnih nabavki Ministarstva za obrazovanje, nauku i mlade Kantona Sarajevo, broj: 11/07-11-9928-2/20 od 19.05.2020. godine i navedena nabavka je izbrisana iz Plana.

Na osnovu zaključenog Ugovora o kreditu dana 09.10.2020. godine između Kantona Sarajevo i Razvojne banke Federacije BiH obezbjeđena su sredstva za nabavku opreme u iznosu od 300.000,00 KM sa PDV-om, kao i za energetska efikasnost u iznosu od 2.230.000,00 KM sa PDV-om.

Nakon nepredviđenog kvara DVR snimača za video nadzor koji se koristi u ispitnoj sali za polaganje teoretskih ispita iz poznavanja propisa iz bezbjednosti saobraćaja na putevima i poznavanja prve pomoći, ukazala se potreba za navedenom nabavkom, a sve u cilju nesmetanog obavljanja djelatnosti Sektora za saobraćaj i edukaciju Ministarstva za obrazovanje, nauku i mlade Kantona Sarajevo

U skladu sa gore navedenim odlučeno je kao u dispozitivu Odluke.

MINISTAR

Mr. Anis Krivić

Dostaviti:

1. Ministarstvo za obrazovanje, nauku i mlade Kantona Sarajevo;
2. Svim organizacionim jedinicama Ministarstva;
3. Arhiva.

